



YOH MU' KHA KHA
GI TÁ'RO' RE MĚTI NE CH'AHMU
KA TÁ'RO' RE PAATS'I BE
MEXA PI' KHWET'U NUNIHANI
'IXTA BE PI'SUBI KA TÁN 2024.

YOH MU' KHA KHA GI TÁ'RO' RE MĒTI NE CH'AHMU KA TÁ'RO' RE PAATS'I BE MEXA PI' KHWET'U NUNIHANI 'IXTA BE PI'SUBI KA TÁN 2024.

Pëchhi pi' khwet'u nunihani gi rú'khwe'be mēti te'sohē ne ch'ahmu. T'ēnhi ku' té hēhya ka tá'ro' re pats'i ne 'akahte be mexa. Ka' phi gi rú' khana nú'hē mu' kha kha n nunihani xi mhēxhē ne ch'ahmu n ron chhori, t'i gi tá' re paati n kwenta ka tá'tu be't'anhē nro' derecho político me yoh tu' kha 'ini ni'nhihē ne be'mēni n rú'khwe'be mēti te'sokhēbi.

Ka tá'ro' re paats'i ne diputado 'ixta be pi'subi t'i ka tán 2024, te'sohē ne partido político gi tá'tu paatihē n kwenta nro' be'mēni ne ch'ahmu n ron nawi gi tá'kwé' re paats'i pukha ni'nhihē:

- Ne cha'hmu n ron t'una n botú na
- Ne ch'ahmu n ro' kha khwi
- Ne ch'ahmu n ron té sahts'i
- Ne ch'ahmu n ron te bahya LGBTTTIQ+

Na ron nawi t'i gi tá'tu paatihē n kwenta ni'nhihē ne be'mēni:

1. Ne ma'be'mēni.

Ni'nhihē ne be'mēni gi ron té mēti ne hyabi, ne khana be'mēni, t'i mu' té hēhya para gi tá' bukhawewi te'sohē ne ch'ahmu ka tá'ro' re sots'i be xirbawi para n be' té paats'i. Ni'nhi n be'mēni gi tá' re khana be't'ani t'u ranhi xi gi tá'tu paati n kwenta yoh mu' kha kha gi tá'ro' re mēti ne partido político pu we' rawi, xi na ron nawi t'i gi tá'tu soshē mu ro'iwhē ne ch'ahmu pu tá'tu hēhyahē ret'ēhē.

Ka tá'tu nhorhē mus printa n khwa' tu siti, t'i gi tá' re be't'ani t'ēnhi:

- Ka tá' mu' ma'yē ne decimo o ki tá' bukhawewi pukhan .50, t'i gi tá'tu be't'anhē t'i mu' ts'ihiti.

Pukha t'ëhni



- Ka tá'tu nhorhë mun ch'ayë ne decimo o ki tá' bukhawewi pukhan .49, t'i gi tá' re be't'ani t'i mu' chhori map'o'o.

Pukha t'ëhni



2. Want'ëhë gi tá'ro' chhori be pi'subi.

2.1 In ronas 'ori be mexa

Gi tá' re paati n kwenta te'sohë ne partido político, n ro' re hanti xi mu ro'iwhë ka tá'rona' té paats'i be mexa, t'i gi tá'tu paatihë n kwenta 3% para ne ch'ahmu n khwen tú mehyu pëkhi, me yoh poht'i pi' 125 ne municipio para n bot'u nunihani. Gi tá' re sots'i na t'u we' rawi be xirbawi, xi t'i mu' 'ori xi n mu' koxi gi tá'kwé' re met'ani n be'mëni n ro' re kwahts'i be xirbawi.

Para gi tá' re paati n kwenta ne khana be'mëni pu tá' bukhawewi, xi gi tá'tu be't'anhë nro' derecho xi nro' pëya pu we' rawi, t'i gi tá'tu soshë na n xirbawi para ni'nhihë ne ch'ahmu pi' ne nunihani pu ron chhori ne partido, t'i n ro' re hanti o t'i n ro'man t'u rakha t'u nirawi, me yoh tá' re hëhya be mexa.

2.2 Ne sindico

Gi tá' re paati n kwenta te'sohë ne partido político, n ro' re hanti xi mu ro'iwhë ka tá'rona' té paats'i be sindicatura, t'i gi tá'tu paatihë n kwenta 3% para ne ch'ahmu n khwen tú mehyu pëkhi, me yoh poht'i pi' 125 ne municipio para n bot'u nunihani, xi gi tá' re sots'i na t'u we' rawi be xirbawi, xi t'i mu' 'ori xi n mu' koxi gi tá'kwé' re met'ani n be'mëni n ro' re kwahts'i be xirbawi.

2.3 Ne regidor

Gi tá' re paati n kwenta te'sohë ne partido político, n ro' re hanti xi mu ro'iwhë ka tá'rona' té paats'i be regiduría, t'i gi tá'tu paatihë n kwenta 5% para ne ch'ahmu n khwen tú mehyu pëkhi, me yoh poht'i pi' 125 ne municipio para n bot'u nunihani. Xi para te'sohë ne xirbawi n tá' ro' re sots'i para n khwen tú mehyu t'i gi tá'tu paatihë n kwenta 15% baa pu we' rawi. Xi pi' te'sohë ne xirbawi, t'i mu' 'ori xi n mu' koxi gi tá'kwé' re met'ani n be'mëni n ro' re kwahts'i be xirbawi.

3. Ne diputado n tu nhorhë muh pëki ne be'mëni.

Gi tá' re paati n kwenta te'sohë ne partido político, n ro' re hanti xi mu ro'iwhë ka tá'rona' té paats'i pi' ne diputado n tu nhorhë muh pëki ne be'mëni, t'i gi tá'tu paatihë n kwenta 4% para ne ch'ahmu n khwen tú mehyu pëkhi, me yoh poht'i pi' 45 ne distrito electoral pi' khwet'u nunihani. Xi ne ch'ahmu n tá'ro' re sots'i, te nawi, gi tá' tenowewi te grupo xi xa' tá' bukhawewi. Xi t'i mu' 'ori xi n mu' koxi gi tá'kwé' re met'ani n be'mëni n ro' re kwahts'i be xirbawi.

Para gi tá' re paati n kwenta ne khana be'mëni pu tá' bukhawewi, xi gi tá'tu be't'anhë nro' derecho xi nro' pëya pu we' rawi, t'i gi tá'tu soshë na n xirbawi para ni'nhihë ne ch'ahmu pi' distrito n ron té met'ani pu we' rawi ne partido, o n ro' re hanti o t'i n ro'man t'u rakha t'u nirawi, me yoh tá' re hëhya be mexa.

4. In ro' re hanti o t'u nirahë.

Ka tá'ro' re paats'i be mexa xi n ro' re sots'i na ro' re hanti o ro' re mëti pi' nro' distrito o pi' nro' nunihani, t'i gi tá'tu paatihë n kwenta pohpu ma' 'aari we' rawi xi gi tá'tu nú mhëxhë gi tá'ro' re sots'i be xirbawi. Na tu baathë n k'ina t'i gi tá'tu nhorhë baa pu we' rawi ne partido.

5. Nt'ani mu' xirbawi gi tá'tu be't'anhë ni'nhihë ne ch'ahmu n ron na té paats'i be mexa.

Para gi tá'ro re khana sots'i be xirbawi ne ch'ahmu n khwen tú meyhu, gi tá'tu hantihë mu ro'iwhë ne xirbawi t'i n ron té hëyha be be'mëni 41 para n xirbawi t'i ku té met'ani n be té paats'i be IEEM, xi gi tá'tu nhori ni'nhihë ne xirbawi:

- Ne nunihani n ron t'una n bot'u na (Ne bot'u na)
 - I. In xirbawi pu tá' re 'ini gi pëphi pi' nro' nunihani ga ron t'una n bot'u na (nha xirbawi xi ni' buch'ëta);
 - II. Xirbawi pu tá' re 'ini gi pëphi 'i chhori pi' nro' nunihani ne bot'u na (nha xirbawi xi ni' buch'ëta);
Ni'nhi n xirbawi gi tá'tu 'awi n asamblea, gi tá'tu yë n ro'man 'ori pi' nunihani o mu ro'iwhë ne 'akahte.
Na 'o yë t'ënhi t'i gi ri' nhori tenowi te xirbawi.
- Ne ch'ahmu n ro' kha khwi (n ro'ma' chhori)
 - I. Gi tá'tu yë'hë na n xirbawi pu tá'ro' khana 'ini pohpu ro' nïta xi yahkha ro' kha khwi pu ron chhori pëchhi (nha xirbawi xi ni' buch'ëta).
- Ne ch'ahmu n ron té sahts'i (Ne me' xirbawi)
 - I. Gi tá'tu nhori na n certificado médico xi gi tá'tu 'awi we' ra ni' maani n 'akahte n ron té hëthawi xi pëphi gi tá' 'ini nt'ani mu' té pawe te'so ne hyabi (nha xirbawi, ni' buch'ëta, ni' número para n cédula profesional xi gi tá'tu yëhpi nro' sello); o
 - II. Na n copia ni' xirbawi gi tu 'apihë be Credencial Nacional para Personas con Discapacidad.
- Ne ch'ahmu n ro' re sots'i LGBTTTIQ+ (Ne me' xirbawi)
 - I. Gi tá'tu yë'hë na n xirbawi pu tá'ro' khana 'ini gi ro'man té kïts'i ne LGBTTTIQ+ xi gi tá' khana 'ini want'ëwi (nha xirbawi xi ni' buch'ëta); o

1 Gi tá' re paati n kwenta t'i mu' 'ini:

Manual Diagnóstico y Estadístico de los Trastornos Mentales, DSM-5; ga ri' nú pëkhi <https://www...>

<https://www.federacioncatalanadah.org/wp-content/uploads/2018/12/dsm5-manualdiagnosticoestadisticodelos-trastornosmentales-161006005112.pdf>

Clasificación Estadística Internacional de Enfermedades y Problemas Relacionados con la Salud, CIE-10; ga ri' nú pëkhi https://www.gob.mx/cms/uploads/attachment/file/2230/CIF_OMS.pdf

Crterios para la implementación de acciones afirmativas

en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

- II. Nro' xirbawi ne be té tenye; o
- III. Nro' xirbawi para tá' vota pu té 'ini want'ëwi ret'ëwi; o
- IV. Nro' xirbawi pu ro' re mewi nro' be'hëta; o
- V. Nro' xirbawi pu té 'ini gi ro'man rakhá we' rawi; o
- VI. Nro' xirbawi ne Asociación Civil (A.C) gi tá'tu ti'rinhi n be'mëni para ne ch'ahmu n ro'man té kits'i ne LGBTTTIQ+ be nunihani.

6. Mu ro'iwhe ne xirbawi.

Gi tá'tu nhorhë te'so ne xirbawi n mu' té 'ini pi' xi'rakwati 5, mu gi tá'tu yë na n xirbawi pu tá' 'ini nt'ani gi tá'tu yë para gi tá'tu t'ent'anhë ne ch'ahmu pu tá'man 'ori.

Xi n nro' xu ne ch'ahmu xi poht'i gi tá'ro' re paats'i, gi tá'tu pëya n nunihani 2; mu ka tán LGBTTTIQ+ mu gi tá'ro' khana 'ini na ga we' xuwi o ga we' hma.

7. Yahkha gi tá' re tuxihchi ne ch'ahmu n ro'ma' 'eni n be'mëni.

Gi tá' re paati n kwenta n be'mëni 70 para n xirbawi mu' té be't'ani ka tán té paats'i be IEEM, ka tá' re mewi we' rawi gih nawi gi tá'kwe' re paats'i, ret'ëwi gi tá'tu nhorhë te'so ne xirbawi xi gi tá' 'ini ki bukhawewi t'i mura n ch'ahmu o we' xuwi..

8. Mu' kha kha gi tá'ro' re met'ani nra' tenowewi we hma 'ixta we' xuwi.

Te'sohë n tá'ro' re sots'i t'i gi tá'tu paatihë n kwenta mismu ne xuwi 'ixta ne hma, ká' phi gi tá'tu nu'hë n xirbawi mu' té be't'ani ka tán té paats'i be IEEM, ne be'mëni gi tá'tu be't'anhë pi' mexa khwet'u nunihani 'ixta munhithë ne be'mëni n tá'tu hëhyahë.

Ne ch'ahmu gi tá'ro' re sots'i pi' ne distrito o pi' ne nunihani, pukha ne diputado o be pi'subi, gi tá'tu paatihë n kwenta na we' xuwi o we' hma xi gi tá' re siti pu tá' 'ini ret'ëwi.

Ka tá' re sots'i we' rawi xi' men chho, t'i gi tá'tu paatihé n kwenta nro' derecho pi' nunihani, xi gi tá' re tuhchihë ne hma, pero té nawi gi tá' bukhawewi ne xuwi be xirbawi.

2 *En atención a los recursos de revisión RRA10703/21 y RRA11955/21, resueltos por el Pleno del Instituto Nacional de Acceso a la Información y Protección de Datos Personales (INAI).*

Crterios para la implementación de acciones afirmativas

en la postulación de candidaturas a los distintos cargos de elección popular, en la Elección de Diputaciones y Ayuntamientos 2024

9. Me ga t'u ndawi.

Ne partido político, n ro' re hanti xi ro'man rakha t'u nirawhë, gi tá'tu soshë ne ch'ahmu gi ro'man té kits'i mu ro'iwhë ne ch'ahmu, ká' phi gi tá' re met'ani me t'u ndawi xi pëphi gi tá'man 'ori; xi na re sots'i we' rawi xi' tá' re siti mu rawi ka tá'tu hëhyahë be xirbawi.

10. Yahkha gi tá'tu tuxihchihë nro' xirbawi.

Na xa' tá'tu nhorhë ne ch'ahmu be xirbawi ne partido político, n ro' re hanti o t'u nirawi me yoh tu kha 'ini n Consejo General, t'i gi xi' tá'tu hëxchhë gi tá'ro' re sots'i mu ro'iwhë ne chamu ka tán té paats'i.

11. Mu' kha kha gi tá'tu pëyahë n ron na té paats'i ne ch'ahmu t'i n ro'man koxi.

Gi tá'tu paatihë n kwenta t'i mu' 'ini ne be'mëni 4, pi' xi'rakwati 6, 19, nra' kwati I, pi' xi'rakwati 6 'ixta n 24 para n be'mëni t'i man koxi pi' xirbawi.

